

Б. 58
28373

В. ВЛАСОВ



**МЕ ЛОА
САЛДАТОН**





ШКОЛЬНИКЛÖН БИБЛИОТЕКА

ВАСИЛИЙ ВЛАСОВ

МЕ ЛОА САЛДАТÖН

Кывбуръяс

28373

КОМИ КНИЖНОЙ ИЗДАТЕЛЬСТВО
Сыктывкар 1967

ДОНА ЧЕЛЯДЫ!

«Школьниклөн библиотека» серияын миян издательство лэдзліс нин не өти книжка коми гижысьяслысь. Ті төдмасинныйд Г. А. Фёдоровлөн, В. В. Юхнинлөн, Я. М. Рочевлөн, С. А. Поповлөн да мукөд гижысьяслөн тайö серияын лэдзём гижөдъясөн. Петавлісны и рочён коми поэтъяслөн өтвывъя сборникъяс.

Тайö кывбур чукöрыс коми поэт Василий Иванович Власовлөн. Аслас кывбуртясын поэтыс гижö челядь йылысь, кодъяс ворсöны и сьылöны, отсасöны гырысьяслы и мөвпалöны водзö олём йылысь, колльөдöны армияö мунысьясöс и асьныс кöсйöны лоны мир видзысь салдатъясөн.

Книжкаын унакодъ кывбур и войвывса вөр-за йылысь, миян помтём-дортём мулөн мич йылысь.

МЕ ЛОА САЛДАТӨН

Ме лоа салдатөн —
Мед нинөм оз кут
Бать кок туйөд
Мунөмысь менө.
Ме лоа салдатөн —
Мед дорйыны шуд,
Став лекторсө
Му вывсьыс венны.
Ме абу нин ичөт,
Ме абу нин ляб,
Ме төда нин,
Мый меным колө:
Бур другкөд — ме мелі,
А вөрөгкөд — тшап,
И венны ме
Кужа нин полөм.
Ме лоа салдатөн.
Мед мамөй оз бөрд —
Ме синвасө чышкыштны
Дась нин;
Кор помала служба,
Ме бергөдча бөр —
Ог вунөд ме
Чужан му ассьым!

САЛДАТЛӨН ӨРТ

Менам дедөй пöрысь-пöрысь,
Менам дедöй лунь кодь дзор.
Локта ва дорысь көть вöрысь —
Сылы медводз медбуртор.

Сийö аттьöалö ёна,
Сийö кутлö сэт и тат;
Шуö: «Тэ мен медся дона,
Менам ичöтик салдат».

Меным мөвпыштчылö збыльысь:
Ме нин верстьö-ыджыд морт,
Ме нин абу сэтшöм вильыш,
Ме салдат — салдатлөн ёрт.

ВОКӦЙ АРМИЯӦ МУНӦ

Менам ыджыд вокӧй
Армияӧ мунӧ.
Ена вои шогӧ
Сийӧс коллян лунӧ.

Мыйла нӧ ме ичӧт,
Мыйла татшӧм жеб ме?
Вок вылӧ ог видзӧд —
Синва кӧсья дзебны.

Шуӧ вок: «Эн шогсьы,
Быдман — он и тӧдлы.
Тэнад туй оз торксьы
Армияӧ мӧдны».

САЛДАТ САЛДАТЛЫ

Салдат салдатлы шуө:
«Салдатлөн сьёкыд удж.
Став зэрыс сійөс суө.
Но норасьны оз куж».

Салдат салдатлы шуө:
«Салдатыд төлка морт —
Көть көні служба нуө,
Оз вунөдливлы горт».

Салдат салдатлы шуө:
«Салдат — салдатлы вок.
Көть туйныс — мутөм-муө,
Оз паныдасьлы шог».

Салдат салдатлы шуө:
«Салдат — народлөн пи:
Быд воськов — өти туйөд
Народкөд вөчам ми».

ОРДЕН

Батьлөн — орден,
Мамлөн — орден,
Менам — ичөтик значок.
Лунысь луно
Отнам гортын —
Меным гажтөм,
Меным шог.

Ме кө быдма,
Ме кө ёнма,
Повны некодысь ог мөд,
Ог и ойөстлы, көть дойма,
Дойма бөрддзымөн — ог
бөрд.

Батькөд гөрны,
Мамкөд көдзны
Меным некор оз ло дыш.
Талун гортысь
Оз на лэдзны:
Ичөтлунөй — менам мыж.

КЫМЫН ВОК

Кымын чунь,
Кымын чунь
Ќтик кийн тэнад —
Сымын ар,
Сымын ар
Талун тыри тэныд.

Кымын кок,
Кымын кок
Сера петушоклөн —
Сымын вок,
Сымын вок
Тэнö шуө вокөн.

ПАСТУК

Ошкыд вештас,
Кытчө көсьяс:
Ыжъяс, өшъяс,
Межъяс, мөсьяс,—
Оз кө паныдась пастук,
Сёрмыштас кө өти здук.

Өшкамөшка
Оз и вошлы;
Абу веськодъ
Тайө — ошлы:
Мөсьяс видзысьыд оз узь,
Сера палич ҫылөн кузь.

Сера палич —
Өшкамөшка —
Мегырассис
Дай оз веськав:
Ошлы абу олан лад —
Оз позь ветлөдлыны тат.

ТУРУН

— Турун — юрын,
Турун — лёддзын,
Турун — бёрын,
Турун — водзын;
Турун уль и турун кос.
Чөвтны позяс али оз?
— Оз!

— Турун — юрын,
Турун — лёддзын,
Турун — бёрын,
Турун — водзын;
Ставыс кышкё, ставыс кос.
Чөвтны позяс али оз?
— Позяс!

ИЧӨТ ЧОЙ

Менам чойй ичөт-ичөт —
Оз на кокийв весиг сувт,
Сөмын кабыръяссө мыччө,
Кокнас чужйө: тувк да тувк.

Позяс терпитышты кучкөм,
Кокнас чужйөмысь ог вись,
Оз кө бөрд да олас лючки —
Оз кө ньылав дөрөм кизь.

Менам чойй ичөт-ичөт,
Сййө сөрнитны оз куж.
Сөмын бөрдө — бытьё видчө,
Көсий петкөдлыны «пуж».

Бөрдөм терпитны на позяс,
Сылөн скөрлунысь ог пов,
Оз кө пасьтөдигөн водзсась,
Оз кө усяв, кыз оз ков.

Менам чойй ичөт-ичөт,
Сййө нинөм оз на төд,
Сөмын сы вылө и видзөд,
Сылы сыв да ськөд бөрд.

Позяс видзөдны сы вылө,
Позяс сывны сьланкыв,
Оз кө кыскы менө ывла,
Ог кө челядь гөлөс кыв.

ЭЗЫСЬ СЮР

Рытъя бушкала зэр
Вежис ывлалысь сер,
Ваö уськөдіс төлысьлысь сюр.
Сюрсö мыськаліс шор,
Сюрлөн дзирдаліс дор —
Чайті, лоас мен чачаыс бур.

Корси асывнас дыр,
Кытчөдз вынöй эз быр,
Сюрсö төлысьлысь — ворсыштны мед.
Сöмын некутшöм сюр
Меным сэтысь эз сюр,
Кодкө, тыдалö, нуöма мөд.

ЫЛІСЯНЬ-Ө ЛОКТИН?

Ылісянь-ө локтин,
Медым татчө усьны?
Висьтав, еджыд лымйой,
Пөръясьны эн лысьт.
Тэнад эшкын улын
Вөрлы-валы узыны.
Кывзасны и найө,
Гашкө, тэнсьыд висьт.

Али кымөр-мамыд
Талун чужтіс сөмын,
Пыркөдыштіс тэнө
Батыд — көдзыд төв?
Еджыд баныс ворсө
Югыд шонді рөмөн;
Нинөм лым оз висьтав —
Куйлө сійө чөв.

МОРЕ ДОРЫН

Ок өд гырысьёсь
Морелён гыяс;
Сэтшөм азыма
Нюлёны берег.
Паськыд кымөрлөн
Чардбиа кияс
Лунтыр өвтчөны —
Водзё ни бөрө.
Менам син водзын —
Скөралысь море,
Менам кок улын —
Нитшкассьём изъяс.
Ваыс быттьөкө
Тышкасьны корö:
Ош моз мурöстлас,
Чужöмад пызьяс.
А маякыс —
Морякъяслөн кодзув —
Мыйён пемдыштас,
Югыда öйö.
Куйлö вөрзьевтöг
Береглөн подув,
И оз тiравны
Сьөлöмъяс йöзлөн.
Талун первойысь
Аддзылі море.
Мусмис весигтö
Скөрлуныс сьлөн.
Кöть и быдми ме
Моремысь торйөн,
Сійö сёрнитiс тшöтш
Менам кылөн.

В А

Ваыс чушкө,
Вывлань кайлө,
Сэссия өдйө
Лэччө бөр;
Ваыс берег дорсө сайлө —
Скөрла «ку пиас» оз төр.

Көсийө ойдны,
Но оз ойдөд —
Коли сылөн
Ойдлан кад.
Ветлө вылысөдыс вой төв.
Код нө вой төлыдлы рад!

О Ш П И

Тодса кыйсьысь мян вöлі,
Ошпи сійö вайис вöрысь.
Дзоля ошпи, быттьö тупыль,
Абу скөр ни абу жугыль...

Йöлөн юкталам ми сійös,
Мича көртöд гартам сыввяс,
Мыськам, чышкалам да косьтам,
Аскöд котравны тшötш босьтлам.

Отув Эжва дорö лэччам —
Отув гортö локтам бөр.
Синмыс сакар бөрся вötчö —
Сьöлөм вужсö кыскö вөр.

К О Ч

Вөрө петө өдзөс,
Енэж шөрө — өшинь.
Вөтөда ме көчөс:
«Көчө, көчө, көчины!»

Мольөдыштны сетчы,
Сулышт, энлы чеччав,
Сибөдлы көть өтчид,
Весьшөрө эн көчав!»

ӨТИК, КЫК, КУИМ

Төв бөрсяыс вөтчам,
Ва дорө ми лэччам —
Уна чой да вок.
Миян зумыд кок.
«Өтик, кык, куим!»—
Ставөн гора шум.

«Нель да вит, да квайт!»—
Туйыс абу няйт.
«Сизим да көкъямыс!»—
Ваыс ёна ямис.

«Өкмыс, сэсся дас...»
Пуктам татчө пас.
Нөшта водзө мунам,
Аддзам буртор уна:

Льём пуяс да пельсыяс,
Коз пуяс да пожөмьяс.
Ветлам — кытчөдз ветлыссяс,
Гожйөдчыштам гожөмнас.

«Өтик, кык, куим!»—
Унаысь на шулим.

КЫТШЫН

(Ворсѳм)

Киѳн киѳ босътчам,
Кытшѳ ставсѳ босъттам:
Кѳчѳс, ручѳс,
Каньѳс, шырѳс.
Кутчысь, кутчысь —
Эн лѳдз шѳрас!
Ѳтик, кык, куим, нѳль...
Эз-ѳ кодкѳ ѳтнас коль?!

Киѳн киѳ босътчам,
Кытшѳ ставсѳ босъттам:
Сюзьѳс, джыджѳс,
Сырчик пиѳс...
Кытшын кытшыс,
Кыын кияс.
Ѳтик, кык, куим...
Кодѳс ортсѳ суим?!

ДЗУРТӨМ

«Дзур да дзур»,—
Көнкө дзуртө.
«Дзур да дзур»,—
Мыйкө дзуртө.
Мавттөм качай али мый
Мырдөн корө мавтас-вуй?

Коді сэн —
Качай вылын?
Коді сэн —
Абу ылын?
Мед оз горзы, вуй оз кор —
Сирөн мавтышт качай сёр.

«Дзур да дзур»,—
Көнкө дзуртө.
«Дзур да дзур»,—
Мыйкө дзуртө.
Гашкө, керка өдзөс дзир
Корө мавтас зэв нин дыр?

Коді сэн,
Коді олө?
Мыйла тэн
Дзуртөм колө?
Вөчышт дзуртөмыслы кост —
Мавтас пыдди пуктышт гос.

«Дзур да дзур»,—
Көнкө дзуртө.
«Дзур да дзур»,—
Кодкө дзуртө.
Эз-ө Мишук джоджө усь —
Мыйкө зэв нин дыр оз узь?

Коді сэн,
Коді кылө?
Мишөс эн
Эновт ылө.
Сетышт Мишукыслы йөв —
Медым сійө узяс чөв.

ПОСНИ ЧЕЛЯДЬ

Мунігтыр сикөтш моз
Ворсöны биясөн
Лөсьыда нюмъялысь
Посныдик йөз.
Медым не вошласьны,
Слабиник киясөн
Кутöны сьөлөмсянь
Вösныдик гез.

Найö на ичötöсь,
Первойысь петісны;
Ставыс на дивö
Да аддзывтöмтор;
Туй кузя нянякөд
Кытчökö мөдісны,
Гашкө нө сэтчө,
Көн муыслөн дор.

Юрныд кө вунөдас,
Сьөлөмад кольöны
Ывлалөн лов шыыс,
Енэжлөн мич.
Сиа ме тіянлы
Быдлаö волыны,
Некор не пукавны
Весьшөрö, сідз.

ЗАРНИ ШЕПЪЯС

Узянінысь садъмис шонді,
Чөвтис вывсьыс шебрас,
Муяс вылө койны пондіс
Гырысь зарни шепъяс.

Чеччы, муса пиӧй, чеччы —
Узьны тэныд тырмас;
Паськыд муяс дорө лэччы —
Шепъяс корсьны тэрмась.

МАВЗОЛЕЙ ДОРЫН

А ловъя кӧ вӧлі
Владимир Ильич,
Ме шыаси
Сы дорӧ эськӧ:
«Кӧть неуна шойччышт —
Здоровьето видз,
Ӧд ӧтпырйӧн
Ставсӧ он эштӧд.

Тэ ӧзъян и югдӧдан
Миянлысь му,
Но сотчӧ
И сьӧлӧмыд биас.
Вай шойччышт
Да водзӧ на миянкӧд мун,
Ми сетам тэд
Ассьыным кияс».

Кӧть торйӧдӧ миянӧс
Зэв уна во,
И шыасьны
Талун нин некыз,
Но Ленинтӧг миянлӧн
Олӧм оз ло,
Мӧд туй визь
Ог аддзӧй ми некысь.

ОТСАСИ ДА ВОДЗСАСИ

Батьлы талун отсаси,
Лөдзлы, номлы водзсаси:
Батькөд турун ытшким дыр,
Кытчөдз ытшкантор эз быр.
Быдөн ошкёны: «Зэв бур!»
Төда ачым — тайö бур.

Батьлы талун отсаси,
Куканьяслы водзсаси:
Вердiм батькөд уна мөс;
Вердөм аддзылісны йөз.
Быдөн ошкёны: «Зэв бур!»
Төда ачым — тайö бур.

Батьлы талун отсаси:
Косьтөм торфөн вольсаси;
Откөн батьлы абу лад —
Мунö вывті уна кад.
Быдөн ошкёны: «Зэв бур!»
Төда ачым — тайö бур.

Батьлы талун водзсаси,
Дай эг чеччы вольпасьысь,
Шебрас улö дзеби ныр.
Батьöй өтнас ветліс дыр.
Некод оз нин шу: «Зэв бур».
Төда ачым — абу бур.

ВОКЪЯС

Көть и ньөжмыдөсь на кокъяс,
Киын зэв на этша вын,
Оттшөтш чуксалёны вокъяс —
Наысь некыдзи он мын.

Көсья узьыштны на эськө,
Көсья нюжөдыштны вөт.
Сөмын налы ставыс веськодъ:
«Унмөн,— шуасны,— он пөт».

Налы веськодъ — жар көть зэрө,
Новлөдласны сэт и тат.
Менам бөрдөм — налы серам.
«Яндысь,— шуасны,— салдат!»

Көть и накөд сьөкыд вөлі,
Накөд вөлі медся бур.
Найө армияын өні —
Туйыс на дорөдз оз сюр.

СЕРА БЕДЬ

Зэв мольыд да зэв мича
Виж-гөрдөв рөма бадь.
Мен мича бадь вож мыччис
Бедь вөчны менам бать.

Ёсь пуртөн гарті визьяс
Да лосьодалі сер.
Бедь дивуйтчөдіс мичнас,
Кор чинтіс сійос чер.

Ми сера бедьсө ошким
И радлім — бать и пи.
А төд выланым босьтім:
Зэв мастер менам ки.

ПОВТӨМЛҮН

Пеля шапка — юрө,
Пельюм ылы — пась.
Ывлаын көть турөб —
Туйө петны дась.

Врачөс корны коля —
Висьмис менам дед.
Врачыс ылын оло —
Туйсө ог на төд.

Больничаыс югыд,
Врачыс бать кодь бур.
Менө шуө другон,
Малалыштө юр.

Дед дорө ми локтім.
Ошкис менө мам.
Шуис: «Вежны воктө
Тырмис тэнад сям».

Висьталі ме врачлы:
«Армияын вок.
Регыд воас аслым
Призывайтчан срок».

Нюм пыр врачыс шуис,
Гусьоникон сідз:
«Во көкъямыс туышт,
Повтөмлунтө видз».

МЫРПОМ

Мырпом вотны лөсьыд,
Мырпом вотны бур.
Кытшовтлан он өтчыд
Мөдлапөвса нюр.

Пидзөсөдзыд нитшкыс,
Кос шөрөдзыд вутш,
Зыбучьясысь видзчысь —
Веськыда он вудж!

Вывсянь шонді личкө,
Увсянь йөткө ва.
Мырпом тусьыс мича,
Чөскыд, быттьө ма.

Быдса кузов нуан,
Өдва кыскан кок.
Аслыд сэсса шуан:
«Мөдысь ог нин лок».

Сөмын ставыс вежсьө,
Вой коть абу кузь:
Шонді петны вөрзьө —
Он нин бара узь;

Мөдлапөлө вуджан,
Корсян ыджыд нюр;
Ветлан-мунан мудзмөн —
Мырпом оз-ө сюр?

ВУРСЬЫСЬ ДЕД

Шөрасьны — ме кужа нин,
Вурны — абу дыр.
Важсянь менам чужанін
Вурсьысьясөн тыр.

Дедөй кокнас муртавліс
Мулысь мышку джын,
Аслас нэмын куравліс
Уна керка тшын.

Пасьяс сылысь пасьтавліс
Пөшти став Сибирь.
Сөмын шыд —
Пу тасьтіысь
Сійө сөйис пыр.

КНИГА

Самолётыд — абу дивö,
И ракета — öнi ас.
Регыд быд планета дiнö
Ыстам мулысь кырымпас.

Медся ыджыд дивö светас —
Быдтор гижны кужанлун:
Мый көть вежөр мортлы сетас,
Нинём войтырлөн оз вун.

Любöй дозмук вермас письтны,
Вермас тшыкны видзантор.
Мöвпъяс некыдз дозийö кисьтны,
Көть тэ дозсö көртысь дор.

Видзны мöвпъяс сöмын вермö
Книга помтöм уна кад.
Некор книгаөн он йөрмы,
Быд морт книгаыдлы рад.

ИЧӨТИК КОСМОНАВТ

Гартчө, гартчө көнкө улын
Кельыдлөзов шарыс мулөн,
А ме лэба вой и лун —
Вуні шойччөм, вуні ун.

Менам ичөтик корабльын
Космонавтлы абу лөк.
Өтув кодзувъяскөд радла,
Быттьө налөн ичөт вок.

Енэжвывса паськыд ывла —
Помтөм-дортөм вольнөй свет.
Көні увланы, көні вывланы,
Бура видзөдтөг ог төд.

Муса кельыдлөзов муой,
Эн жө ёна вевттьысь руөн,
Эн жө вунөд ассыйд питө,
Мыччы меным вына китө,
Татысь лэччан туйсө восьт,
Аслад морөс вылад босьт.

ЛОВЗЬОМ КЛЮЧ

Зэв важён нин эг волыв татчө,
Сөдз васө ключсьыс эг нин юлыв.
Тась сійөс талун өдва аддзи,
Ме чайті: дзыкөдз нюйдмис —
Кулі.

Сэсь дозйө ва он вермы босьтны,
Көть вод да сідзи нылав сійөс.
Мен лоис выль пөв ключсө восьтны
И зырийөн гаддялыштны киөс.

Ключ ловзис, ворсіс серам сорөн
И васө сетіс, мыйта колө.
Ме өні локта водз көть сёрөн,
Пыр сійө өтмоз бура олө.

Ю ДОРЫН

Ми корсям сямөд,
Корсям лөп
И шонтам кокъяс
Бипур дорын.
Көть көдзыд ваысь
Тірзё льөб,
Ог вермө овны
Юысь торйөн.

Лөз изъя берег,
Лыа сьорт,
Лөнь паськыд курья,—
Ставыс миян.
Ю куйлө,
Быттьө югыд шөрт,
И гартчө сійө
Шонді кийн.

Зэв муса миян
Ва и би,
Зэв муса миян
Югыд шонді.
Тан овліс бать,
Тан олө пи,
И пилөн пиыс
Овны пондас.

ШОНДИ ДА ТӨВ НЫР

Ме да шонди өттшөтш чеччим,
Өттшөтш ва дорө ми лэччим,
Өттшөтш купайтчыштим сэн.
Вөли шонид, гажа мен.

Ме эг көсйи гортө мунны,
Көсйи купайтчыны лунтыр.
Кыськө локтис асыв төв,
Кытшов вөчис уна пөв.

Сэсся завидь сійөс босьтис,
Ыджыд кымөр киас босьтис,
Енэж шөрө шыбитис,
Лыа буссө кыпөдис.

Шонди повзис — сайөдчис.
Төв ныр ваон сяльөдчис.
Көдзыд, гажтөм лоис сэн,
Ковмис гортө мунны мен.

ЛУН ДА ВОЙ

Мунёны вокъяс,
Мунёны кыкён —
Могмёны могъяс
Медтё коть кытён.

Кок налён — муын,
Юр — енэж лөзас.
Войён да лунён —
Шуёны йёзыс.

Нуёны вокъяс
Паськыд му кузя
Зэв ыджыд нопъяс —
Шойччём ни узьём.

Нопъяссьыс сюрас
Мый тэныд колё,
Лёкыс и бурыс —
Быдторйыс овлө:

То либө шонді,
То либө төлысь,
Көдздөдлём, шонтём,
Лённыс и төлыс.

ЧОЯ-ВОКА

(Төвъяс)

Кытысь төлыс воис татчө,
Мый нин колө сылы тась?
Мыйла тадзи сійө гартчө,
Ставсө лэбөдлыны дась?

Дзор Уралсянь сійө воис —
Лэбис уна вой да лун.
Воши сылөн ичөт чойыс.
Гортас чойтөгыс оз мун.

Чойыс бать-мам дорсьыс пышйис,
Гортө овны бөр эз лок.
Өні сійөс тайө мыжсьыс
Көсийө нөйтны ыджыд вок.

Көсийө гортас мырдөн нуны,
Сэні вөчны сылы суд,
Медым чойлөн дзикөдз вунө
Вольной олом, ыджыд шуд.

Төвлөн чойыс микөд олө,
Вөчө йөзлы колан удж,
Ветлө-ворсө, мыйта колө.
Мыйсө сөмын оз и куж!

Вартө, изө, чышкө, мыськө,
Скөтнөй дворө вайө ва,
Кукань вердө, мөсьяс лысьтө.
Оз и шулыв: «Сөйны вай!»

Югыд шондї сійөс вердө,
Сылысь шонтө ки и кок.
Дөзмөмысла горзө-бөрдө —
Корсьө чойсө ыджыд вок.

Л Ы М

Лымйыс оз тэрмась,
А син водзын содö —
Войвывса тöлыслысь
Могмөдö мог.
Лэбалö сынöдын,
Кок улö водö,
Гажöдö ывласö
Быдсяма ног.

Лэбалö сынöдын,
Лэбалö-ворсö,
Весиг оз казявлы —
Лун али вой.
Быттьökö кодöскö
Тöдмасьны корсьö,
Быттьökö вокъяссö
Аддзöма чой.

Кокныдик бордьяснас
Чужöмад инмö,
Отарö-мөдарö
Катласьö дыр.
Дзирдалан югөръяс
Шыблалö синмö,
Мелілун сылön
Быд вөрзьöмын тыр.

Гöгралö гөгöрыд,
Выліад öшійö,
Быттьökö гажтöмтчö —
Отнас оз ов.

Вöвлытöм мичлунсö
Ассьыс тэд вöзійö —

Тэ кындзи мөд
Сылы некод оз ков.

Паськөмө кутчысьö,
Керкаö пырö,
Корсьö выль оланін,
Корсьö выль шуд.
Шоныдкөд окасьö,
Шоналö — бырö;
Нинөмөн сійöс
Он дорйы, он кут.

Көтасьөм көмкот
Да көтасьөм кепысь,
Көтасьөм шапка
Да көтасьөм шаль,—
Сөмын и аддылан
Сы бөрын сэтысь...
Лым чирйыс некодлы
Абу нин жаль.

КОДЗУВЪЯС

Кодзувъяс кунисны синъяссö,
Кодзувъяс водісны узьны.
Шондіыс муыскöд киасьö,
Енэжсö лöсьöдчö вуджны.

Рытпумын пемдöны коз увъяс,
Шондіыс шойччыны мунö.
Синъяссö восьтöны кодзувъяс.
Кодзулыс унасьыс-уна.

В О Р Ы Н

Ывлаыс кӧдзыд,
Шутьлялӧ тӧв.
Коз улын кӧчыл
Пукалӧ чӧв.

Пукалӧ, шогалӧ:
«Тӧлыс ээв кузь;
Пӧттӧдз он сӧйлы ни
Пӧттӧдз он узь.

Кӧть эськӧ шондӧйс
Петӧс ли мый!
Мед эськӧ вӧралысь
Менӧ эз кый!

Кӧть эськӧ, мед эськӧ,
Кӧть эськӧ, мед...
Ёсь пиня руч
Меным паныд эз пет!»

Ывлаыс кӧдзыд,
Шутьлялӧ тӧв.
Коз улын кӧчыл
Пукалӧ чӧв.

Пукалӧ, дивуйтчӧ:
Шондӧйс гӧрд
Быгыльтчӧ, быгыльтчӧ —
Вомӧнтӧ эрд.

Казялис — дзебсис
Сэк пыдӧджык кӧч:
Вӧлӧмкӧ, ручыл
Сэт котӧртӧ стӧч.

* * *

Ыбын трактор шөрасьö —
Тöдам сылысь вöрассö.
Ая-пия гөрöны —
Öдийö найö вөрöны.

Ая-пия сьылöны —
Ылödз найö кылöны.
Эштöдлöны уджъяссö —
Вунödлöны мудзьяссö.

Рытнас узьсьö чöскыда —
Коз пу улын веськыда.
На вылö ми видзöдам
Гырысьяс и ичötьяс.

Кöсьям лоны на кодьöн —
Быд лун волам на дорö.
Кöсьям гөрны тракторöн —
Вөр дорсянь да ва дорödз.

АРСЯ ЗЭР

Зэрүй, зумыш зэрүй,
Бара нин тэ татөн!
Сувтін мир туй шөрө,
Кисьтан көдзид ватө.

Мун, мед петас шонді
Югид енэж шөрө,
Менсьым ки-кок шонтас,
Косьтас менсьым дөрөм.

Ч Е Р И

Ичөтик куръяын
Посныдик ёсьяс
Ветлёны, ворсёны,
Корёны сёйны.
Пукталам налы ми
Дзоляник дозьяс.
Локтоны сёйысьяс —
Некод оз сёрмы.

Коркө и ёскыд
Чериөдз воас,
Ичөтдыр курьясө
Эновтны лоас.
Кутас сэк уявны
Медджуджыдінті,
Кутас сэк ветлыны
Медпаськыдінті.

БУРА УЗЬ

Ичөт пилөн локтө унмыс,
Ичөт пиёй синсө кунис.
Муса пиёй, узьышт, узь —
Нэмыд тэнад зэв на кузь.
Узьышт, узь,
Бура узь.

Уна пөтка тэнад быдмө,
Уна чери тэнад лыдмө.
Лоан коркө руч кодь сюсь,
Көр кодь тэрыб. Узьышт, узь.
Узьышт, узь,
Бура узь.

Миян вöрын гырысь пуяс,
Миян муын гырысь юяс,—
Ставыс тэныд, муса пи.
Тэныд шондї, тэныд би.
Узьышт, узь,
Бура узь.

ЮРИНДАЛЫСЬ

Ме лоа салдатён	3
Салдатлён ёрт	4
Вокёй армияё мунё	5
Салдат салдатлы	6
Орден	7
Кымын вок	8
Пастук	9
Турун	10
Ичёт чой	11
Зарни сюр	12
Ылісянь-ё локтін?	13
Море дорын	14
Ва	15
Ошпи	16
Кёч	17
Отик, кык, куим	18
Кытшын	19
Дзуртём	20
Посни челядь	22
Зарни шепъяс	23
Мавзолей дорын	24
Отсаси да водзсаси	25
Вокъяс	26
Сера беды	27
Повтёмлун	28
Мырпом	29
Вурсьыс дед	30
Книга	31
Ичёттик космонавт	32
Ловзьём ключ	33
Ю дорын	34
Шонді да төв ныр	35
Лун да вой	36

Чоя-вока	37
Лым	38
Кодзувъяс	40
Вёрын	41
«Ыбын трактор шёрасьё»...	42
Арся зэр	43
Чери	44
Бура узь	45

28373

Для младшего школьного возраста

Василий Иванович Власов

Я БУДУ СОЛДАТОМ

Стихотворения

на коми языке

Обложка В. М. Пунегова

* * *

Редактор В. А. Попов

Техн. редактор А. Н. Вишнева

Корректор Н. А. Адамова

* * *

Сдано в набор 8/VII-1967 г. Подп. в печать
10/X-1967 г. Бумага № 2. Формат 84×108¹/₃₂.

Бум. л. 0,75, печ. л. 2,4 (Уч-изд. л. 1,23).

Заказ № 3857. Ц02082. Тираж 1000.

Цена 10 коп. Коми книжное издательство,
г. Сыктывкар, Дом печати.

* * *

г. Сыктывкар, Республиканская типография
Управления по печати
при Совете Министров Коми АССР.

10 кѡп.

КОМИ КНИЖНОЯ ИЗДАТЕЛЬСТВО 1967